

Hakle wot l. 1860 sym ja, někotre dotal njewočišćane pěsnje wuslědźiwši, tajke wudospołnjenki hornjołužiskich počať sobudźělic, wosebje w tutym Časopisu, potom tež we Łužičanu a Katholskim Pósele. Potom su to tež druzy činili, wosebje Jenč, H. Dučman, M. Róla a E. Muka. Delnjołužisku zběrku je H. Jórdan krasnje rozmnožiť w tutym Časopisu na l. 1874; wona bu tež wosebje wudata.

Nětko dyrbjaja wězo ci, kiž chcedža dale hromadzić, Smolerjowu zběrku a dotal čišćane dodawki w pomjatkju měc abo tola z nowa přehladować. K wolóženju teho je derje, sebi wěste słowa abo hrónčka napisnyć, na kotrychž tu abo druhu pěseň lohcy póznaješ. Dališa rada abo napominanje namaka so w předślowje Jórdanoweje zběrki.

Tón raz podawam zasy najprjedy někotre cyłe pěsnje, potom varianty a zlemki, z kotrymiž so hodži za dališim textom slědźić, a skónčnje někotre porjedženki. Khowam při sebi tež wjacore hłosy k pěsničkam a druge namakaja so w husleřskim spēwniku (ze 97 hłosami pěsničkow a 44 pěsnjowymi spočatkami atd.) wot Mikławša Krala z Čemjerc, kotryž so we wobsedženstwje gymnasiasty Jana Krala z Čemjerc namaka.

Nětko tu podajomne cyłe texty su z wuwzaćom čisłow 6—9 z rukopisneje knižki, kotraž je něhdy njeboh pastorej Janej Domašcy (rodź. 1790 we Wulkich Zdžarach, kiž bě 1812 wučer w Budyšinje a 1817—42 w Huscy) słušała a kotruž sym ja kupiľ a Maćicy dariľ. W tej zběrce je z cyła 16 pěsni a kruchow, z džěla wočišćanych a někotre čišćane w Provinzialblätter; někotre su tam hišće w druhim wotpisku. Kruchowe druhdze zběrane texty maja wuslědženje pěsni spomožeć.

1. Pozalubowanaj.

Holčka džěše po wodu,
Hólčik nimo rajtuje.
Holčka staj tej khanje dele,
Powitaj mje ty z ručkomaj.
Z jenej ručku witaše,
Z drugej woči trěješe.
Zrozemiš mi, rjane džowčo,
Zo ja twój luby sym?

Zrozemić ja derje mohła,
Hdy bych jeno ja to chcyla.
Hólčik zawróci konika,
Rajtowaše do dwora
K jejnej nowej komorecy
K jejnom' swětlom' woknaškej.—
Moja mać je mi zakazała,
Zo ja njedyrbju hólcow wzać;